

## 老前人心性嘉語



束身心而修道德，聰明而藏於渾厚，有能而常若無能，有功而常若無功，吃虧而常若甘甜，忘身忘體卑己和人，斯可謂謙謙之君子，涵養必曰隆矣。

動靜有禮，進退合宜，享受有度，處世率真，斯可謂存誠主敬之修道士，妙理於是而日明矣。

夫修大道者，務體古人之行持，先教治心、治家，勤儉惜福培德為要；使倫常無愧，日用無虧，借世法之理，始修出世之道。

大凡立功修德，不圖人知，只圖天曉，上不怨天，下不尤人，吉凶靠天，死守善道，悠然自得。